

# 化法四教

## (一)藏教(p.30)：

### ○ 解釋名義：

四阿含為經藏，毘尼為律藏，阿毘曇為論藏

### ○ 所詮教義：

此教詮生滅四諦(苦則生異滅三相遷移。集則貪瞋癡等分四心流動。道則對治易奪。滅則滅有還無)

亦詮思議生滅十二因緣(無明緣行行緣識。識緣名色。名色緣六入。六入緣觸。觸緣受。受緣愛。愛緣取。取緣有。有緣生。生緣老死憂悲苦惱。無明滅則行滅。行滅則識滅。識滅則名色滅。名色滅則六入滅。六入滅則觸滅。觸滅則受滅。受滅則愛滅。愛滅則取滅。取滅則有滅。有滅則生滅。生滅則老死憂悲苦惱滅)

亦詮事六度行(佈施持戒忍辱精進禪定智慧)

亦詮實有二諦(陰入界等實法為俗。實有滅乃為真)

開示界內鈍根眾生。令修析空觀(觀於地水火風空識六界。無我我所)出分段生死。證偏真涅槃。正化二乘。傍化菩薩。

### ○ 所明觀法(p.36)：

此教具三乘法。

聲聞觀四諦。以苦諦為初門。最利者三生。最鈍者六十劫。得證四果。

辟支觀十二因緣。以集諦為初門。最利者四生。最鈍者百劫。不立分

果。出有佛世名緣覺。出無佛世名獨覺。

菩薩弘誓六度。以道諦為初門。伏惑利生。必經三大阿僧祇劫。頓悟成佛。

然此三人。修行證果雖則不同。而同斷見思。同出三界。同證偏真。

只行三百由旬。入化城耳。

## (二)通教

### ○ 解釋名義：(p.38)

通教鈍根通前藏教。利根通後別圓。故名為通。

又從當教得名。謂三人同以無言說道體法入空。故名為通。

此無別部。但方等般若中。有明三乘共行者。即屬此教。

### ○ 所詮教義：(p.39)

詮無生四諦(苦無逼迫相。集無和合相。道不二相。滅無生相)

亦詮思議不生滅十二因緣(癡如虛空。乃至老死如虛空。無明如幻化不可得)

故。乃至老死如幻化不可得)

亦詮理六度行(一一三輪體空)

亦詮幻有空二諦(幻有為俗。幻有即空為真)

亦詮兩種含中二諦

(一者幻有為俗。幻有即空不空共為真。是通含別二諦。故受別接。

二者幻有為俗。幻有即空不空一切法趣空不空為真。是通含圓二諦故受圓接)

亦詮別人通三諦(有漏是俗。無漏是真。非有漏非無漏是中)

亦詮圓人通三諦(二諦同前。點非漏非無漏。具一切法。與前中異)

開示界內利根眾生。令修體空觀(陰界入皆如幻化。當體不可得)

出分段生死。證真諦涅槃。正化菩薩。傍化二乘。

○ 所明觀法：(p.43)

此教亦具三乘根性。同以滅諦為初門。

然鈍根二乘。但見於空。不見不空。仍與三藏同歸灰斷。故名通前。

利根三乘。不但見空。兼見不空。不空即是中道。則被別圓來接。故名通後。

中道。又分為二。一者但中。唯有理性。不具諸法。見但中者。接入別教。

二者圓中。此理圓妙。具一切法。見圓中者。接入圓教。

### (三)別教：

#### ○ 解釋名義：(p.47)

別教謂 “教理智斷行位因果”。別前藏通二教。別後圓教。故名別也

(教則獨被菩薩。理則隔曆三諦。智則三智次第。斷則三惑前後。行則五行差別。位則位不相收。因則一因迥出。不即二邊。果則一果不融。諸位差別)

#### ○ 所詮教義：(p.47)

詮無量四諦(苦有無量相。十法界不同故。集有無量相。五住煩惱不同故。道有無量相。恒沙佛法不同故。滅有無量相。諸波羅蜜不同故)

亦詮不思議生滅十二因緣(枝末無明為分段生因。根本無明為變易生因)

亦詮不思議六度十度(於第六般若中。複開方便願力智四種權智。共成十度。一一度中。攝一切法。生一切法。成一切法。浩若恒沙)

亦詮顯中二諦(幻有。幻有即空皆名為俗。不有不空為真)

亦詮圓入別二諦(幻有。幻有即空皆名為俗。不有不空。一切法趣不有不空為真)

亦詮別三諦(開俗為兩諦。對真為中。中理而已)

亦詮圓入別三諦(二諦同前。點真中道。具足佛法)

○ 所明觀法：(p.52)

此教名為獨菩薩法。以界外道諦為初門

(藏通道諦。即界外集。藏通滅諦。即界外苦。故以界外道諦治之)

無復二乘。而能接通。通教三乘。既被接後皆名菩薩。不復名二乘也。

(四)圓教：

○ 解釋名義：(p.54)

圓教謂圓妙(三諦圓融不可思議)圓融(三一相即無有缺減)圓足(圓見事理一念

具足)圓頓(體非漸成)故名圓教。

所謂圓伏(圓伏五住)圓信(圓常正信)圓斷(一斷一切斷)圓行(一行一切行)圓位

(一位一切位)圓自在莊嚴(一心三諦為所莊嚴。一心三觀為能莊嚴)圓建立眾生  
(四悉普益)

○ 所詮教義：(p.55)

詮無作四諦(陰入皆如。無苦可舍。無明塵勞即是菩提。無集可斷。邊邪皆中  
正。無道可修。生死即涅槃。無滅可證)

亦詮不思議不生滅十二因緣(無明愛取煩惱即菩提。菩提通達。無復煩惱。

即究竟淨。了因佛性也。行有業即解脫。解脫自在。緣因佛性也。識名色六入觸  
受生老死。苦即法身。法身無苦無樂。是大樂不生不死是常。正因佛性也。故大  
經雲。十二因緣名為佛性)

亦詮稱性六度十度(施為法界。一切法趣施。是趣不渴等)

亦詮不思議二諦(幻有幻有即空皆為俗。一切法趣有趣空。趣不有不空為真。

真即是俗。俗即是真。如如意珠。珠以譬真。用以譬俗。即珠是用。即用是珠。不二而二分真俗耳)

亦詮圓妙三諦(非惟中道具足佛法。真俗亦然。三諦圓融一三三一。如止觀說)

開示界外利根菩薩。令修一心三觀(照性成修。稱性圓妙。不縱不橫。不前不後。亦不一時)

圓超二種生死。圓證三德涅槃。

○ 所明觀法：(p.59)

此教名最上佛法。亦名無分別法。以界外滅諦為初門。當體即佛。